

1553

P O L E M I C I

1554

XII. fol. 230. p. 2. Excerpta quaedam ex *Boethio*, *Cassiodoro*, *Gregorio M.* Autore *Doctrinae Rudium*, *galfredi Vine sauf Angl. Poetria*, *Ovidio*, *Henrico Samariensi* seu *Paupere*, et *Jacobo Beneventano O. P.* quem tamen versus scripsisse non memorat *Quetifus Scriptt. O. P. T. I.* p. 648.

XIII. fol. 231. fine titulo, sed ex Indice praevio: *Tractatus magistri Augustini de Ancona ord. heremit. sancti Augustini contra diuinatores et ariolos.* Ita exorditur: *Quoniam sicut tempore retroaeto ita et nunc quidam insurgunt, qui non voluntatem rationi subiciunt nec doctrine studium impendunt &c.* Directus est ad quendam *Reuerendum Patrem*, et in XXI. Capita tributus, quorum elenchus Praefationem excipit. Finis est: *Sed solum est ab illo omnis veritas postulanda qui est via veritas et vita, quam ipse nobis tribuat qui &c.* Sequitur subscriptio: *Explicit tractatus contra diuinatores et somniatores editus a fratre Augustino de Ancona Sacre Theologie doctore ordinis fratrum heremitarum sancti Augustini, Scriptus per manus fratris Johannis de Recz (Austriae Oppido) Sacre Theologie professoris exiguui ordinis antedicti et usque ad finem deductus in Vienna. Anno domini M^o CCCC^o III^o. In die sancte Agathe virginis et martiris omnes legentes in ipso orate pro eo. Requiescat in pace Amen. Inter Augustini Triumphi de Ancona Opera tractatus hic nec a*

Gesnero, nec a *Fabricio*, nec ab ipso *Offingero* in *Bibl. sui Ordinis* citatur. Librarius noster, et ipse vir in hoc ordine celebrer, non potuit diem obire 1402. ut adserit *Offingerus* cit. p. 740. cum initio *Februarii* 1403. primum scriptionem absoluerit.

Codex noster olim ad *Augustinianos Ratisbonenses* pertinuit; unde non mirum tot in eo hujus Ordinis Scriptores contineri.

CCCCXVI.

Codex chartaceus lat. Sec. 555 XV. Folior. 340. 4. currente calamo scriptus hanc in praefixa membrana Notam exhibet: *Iste liber datus est pro libraria domus ex parte R. M. Petri (Tzach) de Pulka sacre Theologiae professoris eximij cujus anima feliciter requiescat in sancta pace amen.* Hujus Viri Acta pro Religione et Academia *Vienn.* maxime in Concilio *Constant.* adumbrantur in *Scriptt. Univ. Vien. Sec. I.* p. 95. Scriptorum vero Pars in hoc Codice continetur, quem percurremus. Initium facit Confutatio quaedam *Jacobi de Misa*, quae incipit: *Pietatis inexpugnabilis impiissimus oppugnator quidam pseudopredicator Magister Jacobellus nomine quoddam scriptum erroribus refertum de usu sacramenti eukaristie — Prage edidisse dicitur quod incipit: Pius ihesus diligens suos fideles &c. In quo sub pietatis specie militat poss etenus contra piiissimum dei cultum &c.* Duplex igitur accessio ad Controversiam

1555

C O D I C E S

1556

troverfiam *Utraquisticam* Concilii tempore agitatam, et ab *Herm. v. d. Hardt* vulgatam T. III. *Afor.* Legitur enim ad calcem Tractatus nostri: *Anno d. 1415. Constan. dum ista materia in generali concilio tractaretur.*

II. fol. 10. Quæstio, ut e calce liquet, *Vesperiarum a. 1410.* Erant vero *Vesperiae* ultima Disputatio Academica pro consequendo Doctoris gradu, more ab Academia *Parisi*na ad *Vienne*nsem translato, ut patet *Tit. XVI. Statut. Facult. Theol.* vulgatorum a *Lambecio* L. II. c. 5. p. 125. repræsentatorum a *Kollar*io *Analect. Vindob. T. I. col. 127.* ubi habes: *Posthæc Vesperiae Licentiati secundum modum Parisiis consuetum, quem hic recipimus, sic fiant &c.* Praesens porro Quæstio sic orditur: *Vtrum in Sacramento altaris sit aliquid substantie panis. Decidendo propositam mihi questionem ipsam diuidendo in tres articulos. &c.* Primo referuntur Errores veteres et recentiores, altero stabilitur Dogma Catholicum, tertio Errores confutantur. Quartus Nostro et nouissimus error est quorundam modernorum, quem cum suis apparentiis et motiuis sub protestatione recitat, sine tamen eius assercione Magister *Stanislaus* (de *Znoyma*) in tractatu quem prage de presenti conscripsit materia — panem et vinum post consecrationem non solum sacramentum sed etiam verum Corpus et sanguinem Do. no. ie. christi esse, dissimulata videlicet Transsubstantiatione.

Tractatum, ad quem hic alluditur, dabimus *Cod. DXC. Petrum de Pulka* ipsum *Vesperiarum* fuisse, e *Locheri Spec. Acad.* arguo; cum enim in primo Recto-ratu suo Academico a. 1407. nonnisi *Baccalaureus formatus in Theologia* dicatur, in altero a. 1411. jam *sacrae Paginae Doctor* audit.

III. fol. 24. Actus Doctoris recens creati. Initium: *Iuxta laudabilem ordinationem et statuta venerabilis matris nostre facultatis Theologice in actu presenti sunt quatuor per ordinem proseguenda. Primum quidem habeo breuissimam lectionem premittere. 2º. questionem aule mee resumendo disputare. 3º. baccalaureis nostre facultatis arguendi loca distribuere et 4º eandem questionem determinare. Adi Statuta supracit. Tit. XVII. ubi leges: Debinc post principium Studii sequentis anni, vel quandoque prius disputat (novellus Doctor) de resumpta, et tunc ad eandem questionem, quam in aula disputavit, sibi respondet unus Cursor vel Baccalarius, contra quem post eum arguunt omnes Baccalarii formati. — Post hoc iterum ipsemet Magister eandem questionem — determinat. Vides omnia e praescripto acta, cumque tota Tractatio rursus sit de Sacramento Altaris, non incongrue et ipsa ad *Petrum de Pulka* referetur.*

IV. fol. 38. Actus *Vesperiarum*. Initium: *In nomine sanctissime trinitatis &c.* Loquitur Magister praesidens: *Presens vesperiarum*

1557

P O L E M I C I

1558

riarum actus ritu solito 4. partibus presentibus integrabitur seu constabit. Hae sunt: Quaestio praeambula, Quaestio *Licentiando* proponenda et ab eo determinanda, Collatio in *Licentiando* seu *Vesperandi* laudem, et Gratiarum Actio. Ex his sola in Codice compareret Pars tertia, pro cuius Themate Praefes adsumsit illud *Job*. 3. *Tu es magister in Israel*, et cum multa de significato vocis, officioque Magistri differuisset, ad jocos pro more delapsus Candi-

Vinum phialim (phialatim? filatim?) *cereuisia sed ocreatim*, vinumque *ocreatim* hausisse, et quae sequuntur. Hinc novum Doctorem *Bobemum* fuisse conicias.

V. fol. 46. Alius *Vesperiarum* Actus, qui incipit: *Sapientissimorum nostrorum maiorum omni veneracione dignissimorum vestigijs inherentes* &c. tum Formula paene, ut in praecedente, et sola Pars tertia, cui Magister praefidens thema praefixit e currentis, ut ait, *Dominicae Sexagesimae* Evangelio: *Exijt qui seminat, seminare semen suum*. *Luc*. 8. Plurima et hic luduntur in Candidati patriam civitatem *Sueviae Harau*, (*Horb seu Horw* ad *Nicrum*) in ejus nomen *Georgius*, et cognomen *Peczl*, in doctas ab eo Scholas *Egenburgae* et *Pusoniae* (*Posonii?*) &c. In Catalogo *Ge. Ederi* et in *Speculo Acad. Locheri* jam 1419. toti Academiae Rector praefuisse legitur *Georgius Wetzel* de Denis Codd. Theol. V. I. P. II.

datum false exagitat, quod, dum *Romae* in causa fratris ageret, meroque italico incaluisse, atque litus maris obequitaret, aestimaverit ob summam aeris serenitatem mare coelo continuum, spemque istud ingrediendi foverit, nisi ab obvio viatore deductus fuisset. Item, cum fere ante biennium solum adisset patrium, et in *Montibus Cbuttnis* quidam illi cerevisiam et vinum liberaliter obtulisset, invertisse illum popolare proverbium, quod ait:

Horaw sive *Horw*, Theol. Doctor annoque sequenti Canonico-rum ad Divi *Stephani* Collegio insertus; Actum itaque nostrum saltem a. 1418. adfigere oportet.

VI. fol. 62. Quaestio in ejusmodi Actu disceptationi propofita: *Vtrum dei filius factus homo temporaliter quemlibet predestinatum secundum omnes suas potencias beatificabit eternaliter*.

VII. fol. 78. Sermones IX. sacri, videlicet de *Festo Pentecostes* habitus Anno domini 1420. 25. die *Maji s. Vrbani*. Geminus de *Assumptione B. V. M.* De *Nativitate* Ejusdem habitus Anno 1409. in *Monasterio Scottorum Wyenn*. Geminus de *Ejusdem Conceptione*, in quorum priore Orator dicit: *Mariam ab originalis labis contagione pene immunem uel mox mundandam*. De *Annunciatione* Geminus, et de *S. Choloman-*
no

1560

X. fol. 197. Oratio Legatorum Academiae Vienn. in adventu suo ad *Johannem* Pont. et Concilium *Constant.* Invitata erat Academia literis *Johannis* datis 1414. 24. *Jul.* quarum Summa recitatur in *Conspectu Hist. Univ.* ad *b. a.* p. 100. ibidemque electi dicuntur Oratores *Petrus de Pulka* et *Casp. Meisselstein* Decret. Doctor 29. *Sept.* Adlocutionem, quae nobis obversatur, non dubito *Petro* tribuere. Infit illa: *Ecce ego, vocasti enim me. I. Reg. 3.* Sicut in *uniuersali mundi machina* nature lex et ordo exposcit, ut inferiora queque in suis naturalibus operationibus superiorum suorum nutibus irrefragabiliter obtemperent &c. Que sane ponderans *Sanctitatis V. filia* deuotissima atque humillima *Vniuersitas Studij Wyenn.* ab eadem

XIII. fol. 212. Sermo habitus, ut e calce adfumo, Anno d. 1416. per venerabilem P. generalem ordinis predicatorum in Conuentu eorundem pro exequiis Episcopi fulginatis in 40ma tempore Concilij generalis. Orator hic est F. Leonardus Statii de Datis, cujus Acta et Scripta referunt Bibliothecarii Ord. T. I. p. 755. nullam tamen Parentationis

1561

P O L E M I C I

1562

tionis nostrae naſci notitiam. De-
functus vero Episcopus, ex eo-
dem Ordine a. 1403. ut habet
Ugbellus T. I. col. 702. lectus,
F. *Federicus Frezzius*, qui Poe-
mate italico dicto *il Quadriregio*
Dantis Aligerii Comoediam aemu-
latus est. Poematis hujus unicum
Editionem protulere dicti Biblio-
thecarii de *Frezzio* agentes T. I.
p. 758. Sex antiquiores enume-
rat *Niceronus T. VII. p. 145.*
et ex eo *Fabricius Bibl. med.*
Lat. L. VI. p. 204. quibus *Me-*
diolanensem 1488. per *Ant. Za-*
rotum f. addo. Verum haec non
hujus fori. Obiisse Noſtrum nec
a. 1515. nec a. 1517. etiam e
praesenti *Oratione* certum est con-
tra *Leand. Albertum*, *Ant. Se-*
nensem, *Ant. Possevinum* et *Lud.*
Jacobillum. Incipit illa: *Ingreſ-*
ſus est ad dominum. Scribuntur
hec verba in lectione miſſe pre-
ſentis diei — *Locuturus in preſen-*
tiarum R^{mi} P. et D. ſuper lugu-
bri caſu defuncti preſulis f. cuius
memoria in benedictione est &c.
De Defuncto: *Equidem ratione*
religionis fuit in ſuo ordine altis
prelature tytulis inſignitus, et
tandem prouincialis ſue Romane
prouincie, Ratione probitatis fuit
in diuerſis ſtudijs promotus et ho-
noratus et nobilis Magiſter ſacre
pagine, Ratione morum grauita-
tis fuit vir conſilio plenus vnde
apud omne genus hominum perma-
xime apud ſuos ciues celeberrime
fame, Ratione optimarum artium
ſtudiij fuit communi vtilitati ſumme
proficiuus propter quod acclamante
populo fulginate conſtitutus est

glorioſe Episcopus illius Eccle-
ſie — 12. pauperes in ſua domo
omni die paſcebat — religioſos
quosque et maxime tranſeuntes in
ſua domo — conſouebat non mi-
nus et eos in propriis conuentibus
ſuſtentando, temporibus karisti-
que in partibus illis ſepiſſime con-
tingit, frumentum quo eccleſia
ſua erat ſatis habundans, tanta ca-
ritate diſtribuebat egenis, ut lin-
guis omnium pater pauperum vo-
caretur &c. Unde mirum, nul-
lam mortis Ejus in *Faſtis Con-*
cilii T. IV. Actor. Hardtii habe-
ri memoriam.

XIV. fol. 215. *Sermo ejus-*
dem generalis (Leon. de Datis)
coram Concilio Conſtan. eodem an-
no in dominica 40me. Sermonis
hujus et mox dicti *Faſti* et Bi-
bliothecarii *Ord. l. cit.* memine-
re. Hi tamen errore fortasſe ty-
pi ad an. 1415. referunt. Ini-
tium eſt: *Reuerendiſſimi Patres*
&c. *Eſi iuxta ſacri canonis ve-*
ritatem omnia ſuis debent conue-
nire temporibus &c. E verbis
Apoſtoli: *Ecce nunc dies ſalutis.*
2. Cor. 6. hortatur ſacri Jejunii
tempore ad mores, Eccleſiam-
que reformandam rite uti, et ſub
finem laudibus onerat *Sigismun-*
dum Rom. Regem, qui ſigillans
mundum merito interpretatur, ſi-
ne ſuperbia nobilem, ſine inuidia
potentem, ſine ſuperſtitione reli-
gioſum, ſine iactantia operantem,
ſine ſtudio facetum, ſine inertia
grauem, ſine aſperitate conſtan-
tem, ſine partialitate communem,
eumque cum plurimis antiquis
Heroibus, ut in utroque *Sermo-*
ne

1563

C O D I C E S

1564

ne Autores sacros profanosque miscet, confert. Neuter porro *Sermo* lucem, quod sciam, vidit.

XV. fol. 226. *Sermo de S. Trinitate super verbis Apostoli: Communicatio sancti spiritus sit semper cum omnibus nobis. domini Petri de Aylliaco.* Initium: *Magnus christianorum Theologus celestis ille secretarius et diuinus apostolus Paulus &c.* Extat inter *Opera Argent. 1490. f.* Nobis ad calcem legitur: *Per d. Petrum de Aylliaco Episcopum Cameracen. factus Janue coram Petro de luna dicto Benedicto 13. Anno d. 1405. Occasione cuius idem sub bulla instituit festum S. Trinitatis dominica post Pentecosten, et plura de Indulgentiis ab eo datis, sed adjicitur: Quia tamen fuit antipapa extra eius obedienciam hec constitutio non curatur.* In *Edit.* mox memorata *Constitutio* haec ipsi *Sermoni* subjicitur. Adludit ad eam *Joh. Gerson* in *Tract. de Visit. Praelat. 1408. conscripto T. II. Opp. omn. col. 560.* ubi ait inquirendum *Visitatoribus: de Festo Trinitatis solennizando prout Papa noviter instituit.* Eo igitur anno *Petro de Luna* nondum nuncium remiserat. Quod vero ait: *noviter instituit*, cum limitatione intelligendum; jam enim *Gregorio IV. et Johanni XXII.* ejusmodi quid tribuitur, et certe *Alcuinum* jam *Orationes Missales de Trinitate*, et *Stephanum* quendam *Leodiens.* Officium composuisse testis est *Micrologus c. 60.* et *Missas de Trinitate* in *Germania*

frequentatas *Canon Concilii Saligunstad. ad an. 1022.* Apertissime vero *Rupertus Tuit. de div. Officiis L. XI. c. 1.* *Trinitatis Festum* Dominica post *Pentecosten* celebrari jam *Sec. XII.* adfirmat.

XVI. fol. 238. *Sermones II. de Assumptione B. V.* Prior in illud: *Maria optimam partem elegit. Luc. 10.* hoc initio: *Beatus bernardus in quodam sermone &c.* Alter in illud: *Ascendit super cherubim. Psal. 17.* hoc initio: *Sanctissime virginis et matris dei ac domini omnium salvatoris &c.* *Sermo* uterque dirigitur ad *Reverendos P. Magistros ac dominos*, et posterior ita subscribitur: *Factus est hic sermo per Magistrum mychaelem suebenschatz doctorem Theologie in vigilia assumptionis beate virginis in ecclesia carmelitarum. anno domini 1406 wyenne.* *Facultati Theologicae* hoc anno *Decanus* praefuit *Noster*, universae vero *Academiae Rector* et ad *D. Stephani* *Canonicus* a. 1409. Haec e *Speculo Acad. Locheri.* Inter *Scriptores Univ. Vienn. Sec. I. p. 64.* ejus *Opera mss.* enumerantur.

XVII. fol. 262. *Orationes five Prolusiones* in laudem *S. Scripturae* e *Statutis Facultatis Theologicae supracit.* praemittendae solennioribus *Actibus Academicis*, numero III. Initium primae: *Docebo te quid loquaris. Exod. c. 4.* *Beatus augustinus cupiens sacram scripturam nobis amabilem reddere &c.* Adhaeret huic *questio disputata in Aula Reuerendi Ma-*

1565

P O L E M I C I.

1566

Magistri narcissi Pbister ordinis fratrum predicatorum Regentis in colonia. Anno domini 1408. Ante Aduentum Domini. Est vero: Vtrum Doctor catholicus — doctrinam debeat pretermittere per quam subditus sibi grex est scandalizatus ex infirmitate. Deciditur pro dilatione ejusmodi doctrinae. De Narcisso nihil in Bibliotheca Ord. Initium secundae: Sedens docebat de nauicula turbas. Luc. 5. Omnem mortalium progeniem ob prothoplasti delictum &c. Praevie dicit Orator: resumo Thema de Nauicula, quod in alma Vniuersitate Bonum mihi familiariter desponsatum pridem deduxi per collationes varias. Et re ipsa Cod. CCCCXVI. Collatio in idem Thema relata fuit, cumque praefens manum Petri de Pulka arguat, etiam illa ad hunc pertinere videtur. Initium tertiae: Venite ascendamus ad montem domini &c. Ysa. 2. Mich. 4. Gregorius 23. Moral. exponens illud Job c. 33. scriptum, semel locutus est deus &c.

XVIII. fol. 297. Sermo habitus fortasse in Synodo Constant. de Laudibus S. Bernardi in illud: Omnis qui se exaltat humiliabitur &c. Luc. 18. Initium: Symon de cassia L. 6. post medium de vita christiana exponens predictum passum &c. Multa de Bernardi laboribus pro unione Ecclesiae, et sub finem: En igitur gloriosus doctor hoc perniciosum scisma laboribus sedauit. Rogemus dominum ut suis meritis hoc praesens tollat et unitatem restituat

ecclesie sacrosanctae suis precibus &c.

XIX. fol. 304. Vtrum in Monarchia mundi principalior sit potestas Petri quam erat Constantini. Affecta tantum disquisitio, multumque interpolata.

XX. fol. 312. Sermones facri III. Primus in illud: Hi sunt viri misericordie. Eccl. 44. de Petro et Paulo Apostolis, referendus Cod. DCCCCLXIX. cum Autore Petro de Pulka, cujus hic αὐτογέγραφον. Alter de Passione Domini in illud: Tristis est anima mea usque ad mortem. Math. 26. hoc initio: Si psallente propheta audiam, quod peccatori dixit deus, quare tu &c. Si rursus considerem &c. Tertius de S. Colomanno Mart. idem, qui jam N. 7. indicatus fuit. Ejus initium: Faciem suam firmavit ut iret ierusalem. Luc. 9. Tocius sanctitatis regula et exemplar B. Augustinus &c.

CCCCXVII.

Codex chartaceus lat. germ. 646 Sec. XV. Folior. 196. 4. non ab una manu profectus hanc praefert ἐπιγέγραφον: Joannes Schröter sibi gratęque posteritati. Medici hujus patria Vinmariensis, eque Viennensi cathedra ad primum Jenensis Academiae Rectoratum evocati Vitam Oratione illustravit Zach. Brendelius, cui addi possunt, quae de eo in Scriptt. Universit. Vien. P. III. Sec. 3. p. 11. et in vernacula mea Typogr. Vien. Historia habentur.

Codici

Z 3